

# **Statuts**

della

**Cumpignia de mats, Tujetsch**

---

## **Cumpignia de mats, Tujetsch**

---

Commember: .....

Recepius ils: .....

Statuts  
della  
**Cumpignia de mats, Tujetsch**

---

*A. Intent*

Art. 1

La Cumpignia de mats de Tujetsch intenda conform a sia tradizion ed allas directivas dell' acziun catolica:

1. L' educaziun religiosa cun promover il spért religius e la morala cristiana.
2. L' instrucziun intensiva dils mats en fatgs d'interess general e professional cun referats adattai e buna lectura.
3. Il sclariment e la defensiun dils interess caticies en vischuaanca, cantun e confederaziun.
4. La promozion dell' unitad ed amicezia denter ils mats cun favorisar ed organisar buns divertimenti (seras hilaricas, teater etc.).
5. Igl embellir las fiastas ecclesiasticas e profanas cun l' usitada parada.
6. Il sustegn d' ina undreivla cultivaziun corporala.

Art. 2

La C. M. T. stat sut il patronat de s. Vigeli.

## *B. Commembers*

### Art. 3

La C. M. T. cumpeglia commembers activs, passivs e d' honur.

Commembers activs san daventar tuts undreivels mats en vischnaunca cun 17 onns. Mats jasters (fumegls e tals che ein cheu mo transitoriamein) pagan annualmein frs. 2.— ed han tuts dretgs.

### Art. 4

La recepziun daventa effectiva entras atgna inscripziun ella gliesta de commembers, entras contribuir alla cassa dils mats la taxa de frs. 3.— ed acceptar ils statuts.

Ei duei valer per pugn d' honur che scadin mat fetschi stediamein parada e separticipeschi de referats sco era dell' ulteriura veta communabla.

### Art. 5

Commembers passivs daventan da sesezs tuts ils commembers activs, che han cumpleniu 30 onns.

Ils commembers passivs gaudan ils medems dretgs sco ils activs.

### Art. 6

La C. M. T. sa recepir tenor art. 4 e 5 per commembers passivs tuts ils mats, che ein muort mendusadad impedi de far parada.

### Art. 7

Tuts commembers della C. M. T., (cumpriu ils musicants che ein mats) che fan parada cun varghentau ils 30 onns, ein commembers d' honur e

gaudan ils medems dretgs sco ils activs. Els retscheivan ina regurdientscha cun dedicaziun cura ch' els calan de far parada.

Commembers d' honur della C. M. T. ein ils revs. augsegners della pleiv. Ultra de quels sa la Cumpignia numnar commembers d' honur umens cun merets specials per ella e ses ideals.

#### Art. 8

Scadin commember sa sortir dalla Cumpignia da tut temps cun visar il capitani en scret. Tier ina nova recepziun sto el pagar scadin ev. castitg restont plus la taxa d' entrada.

#### Art. 9

Motivs ch' oblige schan la Cumpignia de sclauder in commember ein:

1. La sperdita dil bien num.
2. Dar scandal renitentamein en fatgs de cardientasca e morala.
3. Surpassament renitent dils statuts u dils reglements della Cumpignia.

La renitenza ei dada sch' in commember, suenter esser staus visaus dal capitani duas gadas, se conforma buc agl avis.

Per tals motivs sa la suprastonza cun consentiment dil preses sclauder in commember immediat. Il sclaus sa appellar alla futura radunanza generala.

### *C. Organisaziun*

#### *Art. 10*

Ils organs della Cumpignia ein:

1. La radunonza generala
2. La commissiun d' acziun
3. La suprastonza ed il preses
4. Ils revisurs de quen

#### *1. La radunonza generala*

#### *Art. 11*

La radunonza generala ha liug annualmein sche pusseivel da Buania. Ella ei obligatorica per tutt commembers activs. Silmeins mintg' auter onn ston ils statuts vegin prelegi all' entschatta. Tractandas ein:

1. Protocol
2. Render quen
3. Decisiuns specialas
4. Expensas extraordinarias e midadas de statuts
5. Elecziun dil comite e dils revisurs de quen. Las ulteriuras elecziuns vegnan fatgas dalla commissiun d' acziun.
6. Repartiziun dellas bandieras
7. Appel.

La suprastonza ni 20 mats san convocar radunonzas extraordinarias.

#### *Art. 12*

Las elecziuns vegnan fatgas cun maun pli.

Cun scadina radunonza vegn ei dau caschun als mats giuvens d' entrar en la Cumpignia.

gaudan ils medems dretgs sco ils activs. Els retscheivan ina regurdientscha cun dedicaziun cura ch' els calan de far parada.

Commembers d' honur della C. M. T. ein ils revs. augsegners della pleiv. Ultra de quels sa la Cumpignia numnar commembers d' honur umens cun merets specials per ella e ses ideals.

#### Art. 8

Scadin commember sa sortir dalla Cumpignia da tut temps cun visar il capitani en scret. Tier ina nova recepziun sto el pagar scadin ev. castitg restont plus la taxa d' entrada.

#### Art. 9

Motivs ch' obligeeschlan la Cumpignia de sclauder in commember ein:

1. La sperdita dil bien num.
2. Dar scandal renitentamein en fatgs de cardientocha e morala.
3. Surpassament renitent dils statuts u dils reglements della Cumpignia.

La renitenza ei dada sch' in commember, suenter esser staus visaus dal capitani duas gadas, se conforma buc agl avis.

Per tals motivs sa la suprastonza cun consentiment dil preses sclauder in commember immediat. Il sclaus sa appellar alla futura radunanza generala.

## *C. Organisaziun*

### Art. 10

Ils organs della Cumpignia ein:

1. La radunonza generala
2. La commissiun d' acziun
3. La suprastonza ed il preses
4. Ils revisurs de quen

#### *1. La radunonza generala*

### Art. 11

La radunonza generala ha liug annualmein sche pusseivel da Buania. Ella ei obligatorica per tutt commembers activs. Silmeins mintg' auter onn ston ils statuts vegnir prelegi all' entschatta. Tractandas ein:

1. Protocol
2. Render quen
3. Decisiuns specialas
4. Expensas extraordinarias e midadas de statuts
5. Elecziun dil comite e dils revisurs de quen.  
Las ulteriuras elecziuns vegnan fatgas dalla commissiun d' acziun.
6. Repartiziun dellas bandieras
7. Appel.

La suprastonza ni 20 mats san convocar radunonzas extraordinarias.

### Art. 12

Las elecziuns vegnan fatgas cun maun pli.

Cun scadina radunonza vegn ei dau caschun als mats giuvens d' entrar en la Cumpignia.

## *2. La Commissiun d' acziun*

### Art. 13

La commissiun d' acziun secompona ord il comite cun il capitani-cass e dus ulteriurs commembbers.

### Art. 14

La commissiun d' acziun prepara il program de lavour della Cumpignia. Ella seconstituescha sesezza tier sia emprema radunanza annuala.

## *3. La suprastonza*

### Art. 15

La suprastonza cumpeglia il comite, che vegn formaus dil capitani, sergent e bandierel sut direcziun dil preses.

### Art. 16

Il comite vegn elegius per in onn dalla radunanza generala ordmiez ils commembbers presents. Per esser elegibels ston quels haver cumpleniu 25 onns.

### Art. 17

Il comite convochescha las radunonzas della Cumpignia, organisescha referats e recreaziuns e vèglia sur dil secuntener dils mats, en special sur artechel 9.

Igl entir inventari della Cumpignia e la biblioteca stattan sut sia controlla ed administraziun.

## Art. 18

Preses ei ex officio il plevon de Tujetsch, che sa denton era delegar in de ses revs. caplons.

Il preses sa separticipar de tuttas radunonzas e referats e sto vegnir informaus davart la veta della Cumpignia entras il capitani. El ha il veto viers conclus, che van encunter il bien spért dell' acziun catolica. Alla Cumpignia resta il dretg d'appellar agl ordinariat episcopal.

## Art. 19

Il capitani ha de cumandar las paradas ed el presidiescha las radunonzas ed ils referats. El sa denton era delegar il sergeant. Per las fiastas de Sontgilcrest fa el tenor usit in plaid, che vegn lu pli tard secrets el «Cudisch de plaids». Quei cudisch resta els mauns dil capitani-cass tochen ch' il capitani niev ei ord uffeci.

Radunonzas vegnan visadas ad uras en scret sin plazza publica.

## Art. 20

Il sergeant ha las funcziuns de cassier e vice-capitani. El administrescha la cassa della Cumpignia, incassa tuttas contribuziuns statutaricas ed entradas e paga ils quens. — Per necessarias expensas ha el en uniu cun il capitani ed il bandierel la competenza de disporer d'ina summa de frs. 20.—.

El meina in exact register de commembers ton activs sco passivs e d'honur e renda annualmein quen de sia gestiun a caschun della radunanza generala.

## Art. 21

Il bandierel funcionescha sco actuar e salter. El meina in exact protocol dellas fatschentas della

Cumpignia, che vegn prelegius mintgamai all' entschatta della proxima radunonza.

El ha era de fixar quels, che han de purtar ils vuts las suandontas fiastas: s. Vigeli, fiasta dil Scapulier, Cor de Jesus e fiasta dil s. Rusari. Per quei uffeci duei vegnir priu tenor pusseivladad giuvens che fan buca parada.

#### Art. 22

Capitani e serpent substitueschan in l' auter ed ein responsabels per la facultad della Cumpignia de mats.

#### Art. 23

Sco revisurs de quens duei vegnir elegiu dus commembres versai en tals fatgs. Els revedan ils quens avon la radunonza generala e dattan in rapport detagliau per mauns della radunonza.

#### Art. 24

La bandiera biala porta il bandierel.

Las ulteriuras bandieras vegnan repartidas sco suonda: Nr. 1 e Nr. 2 portan capitani cass e serpent-cass per in onn. Suenter crodan quellas sco las otras en sort. Lezzas vegnan tratgas ora cun la sort denter quels mats, che han cumpleniu 22 onns ed han aunc buca purtau.

La bandiera de tals, che comparan buca ad uras sil plaz ed han buca delegau enzatgi de purtar, sa il capitani consignar ad in auter per quei di.

Scadin porta-bandiera ei responsabels per sia bandiera e sa vegnir fatgs responsabels pils donns caschunai per sia cuolpa.

#### Art. 25

Ils dus gardists vegnan elegi sin la radunonza generala ord l' annada, che cumplenesch 20 onns.

## Art. 26

Scadin mat astga pretender, che siu meini vegni tedlaus en radunonzas. — Enviers il comite e mintga autoritad demuossa scadin commember dueivel respect ed obedienttscha. En quei grau duei reger uorden e bien spért cristian!

## *Las paradas*

### Art. 27

La C. M. T. quenta per sia pli gronda honur de contribuir alla solemnidat e festivitat dils firaus cun far parada ell' uniforma obligatorica.

La fiesta de Cristus Retg e da s. Giusep ni ev. otras fiastas adattadas fa la C. sia communium generala. — Mintga vischinadi sa far quella per sez num ch' ei vegni determinau zatgei special.

### Art. 28

La fiasta de s. Vigeli vegn la s. messa applicada pils commembers vivs e morts della Cumpignia, che paga persuenter frs. 5.— ord cassa.

Miera in commember della Cumpignia, vegn ei legiu per quel ina s. messa ed il stipendi persuenter vegn pagaus ord cassa.

### Art. 29

Alla sepultura dils commembers assista ina delegaziun della Cumpignia rendend al defunct las davosas honurs cun la bandiera biala.

Alla sepultura d' in augsegner de nossa pleiv porta il bandierel la bandiera biala. Capitani e sergent portan las bandieras novas (1. e 2.).

### **Art. 30**

**La Cumpignia fa parada:**

1. Ordinariamein las fiastas usitadas.
2. Extraordinariamein, sch' il comite cun consentiment dil preses giudicassen quei per cunvegnet.

### **Art. 31**

Commembers che fan in entir onn buca parada senza sufficienta raschun, ein cheutras selaus dalla Cumpignia.

Raschuns sufficientas ein: absenzas, malsognas e malencurada per geniturs e fargliuns duront in onn.

### **Art. 32**

Las seras hilaricas han de prender fin a dretg temps. Il liug fixescha il comite.

### **Art. 33**

La commissiun d' acziun elegia in bibliotecari ed in substitut. La biblioteca stat sut la direcziun dil preses.

## **D. PRESCRIPZIUNS FINALAS**

### **Art. 34**

Alla Societad de musica dat la Cumpignia annualmein ina contribuziun de frs. 100.—.

### **Art. 35**

Per reveder ils statuts eis ei necessari, che duas tiarzas della radunanza generala dettien lur consentiment.

### Art. 36

Ils presents statuts ein vegni acceptai dalla C. M. T. en sia radunonza generala extraordinaria dils 28 de december 1952 e passan en vigur immediat, annulond tuttas autras ediziuns.

Per la comissiun dils statuts:  
Il preses: *Sur Gius. Durschei*

Il comite:

*Sigisbert Giossi, capitani*  
*Alexander Loretz, sergeant*

## REGLEMENT DE SITTAR DE NOZZAS

### Art. 1

Ei vegn sittau per scadin commember della C. M. T., che marida ina matta, e per scadina undreivla matta della vischnaunca cun consentiment dil spus, che vegn consultaus avon.

### Art. 2

Per mats che ein buca commembers della C. M. T. astga ei sut neginas circumstanzias vegnir sittau!

Quest reglement ei vegnius acceptaus dalla radunonza generala extraordinaria della C. M. T. dils 28 de december 1952.

Per fei di sura segnan:  
*Sigisbert Giossi, capitani*  
*Alexander Loretz, sergeant*

